

## **2 Timoti**

### **Pas yimbu Por ai Timotimbo sürü papimarandi**

#### *Por ai Timotimbo pas sürü papimarandi*

<sup>1</sup> Ro Por-anahi. God ai ahandihoari Sisas Kraisindi hoafi semindi horambo kamafoareandiri. God ai wambo nindou Sisas Kraismbo anihondumbo-rihinda yangiri koadürü niŋgoweimbi saimbo horombo hoafimareandi ranahambo wataporimboyo-rambohünda koamarihendiri.

<sup>2</sup> Timoti, se wandi ni mori hondü nahurai-anafi, ro sihambo pas nda sürü paparhandi. Ape God asu sihefi Adükar Sisas Krai ai sihambo aboedi hohoanimo-ndinaninühi hi poambo-ndineanina ŋusüfoambe afure kümbearo-amboane.

#### *Sihi yowani aboedi hoafi hoafimbo amoaniŋg+yopoani*

<sup>3</sup> Ro Godindi hi mboahü hüti-koate ahandi ratüpurü ratüpurüya arhandi wandi amoao mam amboani rani-süŋguarhindü nou. Ro sirihü asu nimbokoani sihambo hohoanimo-yahaninühi Godimbo hihihirihünühi didibafi-yaheando arhandi.

<sup>4</sup> Asu se wamböhünda aranimayafi ranimbo hohoanimoyahaninühi ro sihambo hoeifeninimbo afindi hohoanimoayahi. Ro asükai hoeindiheaninühi rananimbo hihihi-hihihi-ndamboyahi.

<sup>5</sup> Ro sɪhafi Kraisiṃbo anihondümböfe hondü ranahambo asukai hohoanimoayahɪ. Sɪhafi asari Rois asu sɪhafi me Yunis ai weyangurühi anihondümborine marinandi, nga ro yarhe anihondümbö-ariheandi sɪhafi anihondümböfe hohoanimo amboa ahafe nahurai-ane.

<sup>6</sup> Ranimbo-hündamboane sɪhafi hohoanimo botariheanini. Ro wandi wari sɪhafi mbirowami manandheandi ra God ai sɪhambo rani-poanimo nginindi masaganini. Rananimbo sɪhafi nginindi ranai hai pipirowanda ahoro nahuraimbeyowa sahehea.

<sup>7</sup> Sapö God ai sɪhefiṃbo Yifiafi masemuni ra yihimbo saiyamuni-randeimbi-yopoani, nga wani. Yifiafi ranana sɪhefiṃbo nginemindimunanini nindou ngörümbo ngusüfo pefe asu sɪhefi hohoanimo ndöfe hifandimboyo hohoanimo ra masemuni.

<sup>8</sup> Ranimbo-hündamboane se sɪhefi Adükariṃdi hoafi hoafiṃbo amoaninggi-ndamboyafi. Asu se wambo amoaninggi-ndamboyafi, nga ro ahandi ratüpuri-mbohünda karabusi-meheand-ane. Nga se Godindi-mayo nginindi raninambo Aboedi hoafi bokari-hefemböhünda ro-dibo tiñirifondemboane. God ai ranimbo-hündamboyo nginindi sayamuni arandi.

<sup>9</sup> Asu ai aboedamböreamuni mbura ahandi sürühöeimbi nindömbö kafeare hininggiṃmareamuni. Ai ramareandi ra sɪhiri aboedi hohoanimo-mayefamboyopoani, nga wani. Nga ranana horombo hondü God ai hifi sünü nafi-koateyu-ambeyo Kraisiṃdi süngu aboedi hohoanimo-memuna ahandi nindömböyahu tükümehundi.

10 Nga asu hapondani ana Sisas Krai  
 sihefiambo aboedambo-reamuneimbi ranai  
 ndeara weindahi tukufimboani. Asu ahandi  
 ratupuri sungu Godindi nindoumbo aboedi  
 hohoanimo amboani weindahi tukufemboane.  
 Sisas Krai ai yifindi nginindi  
 hifinambo-mareanda yifi ai nginindikoate-ane.  
 Asu ahandi aboedi hoafi raninambo  
 munguambo nindou ai yifikoate yangiri  
 koadurumbo-koadurumbo ninngombo ra  
 weindahi-mareandi.

11 Ai wambo kamafoareandiri aboedi hoafi  
 wataporimboyo, Kraiindi hoafi semindi ho,  
 asu nindoumbo Godindi hohoanimo yamundi  
 raraombohunda.

12 Ro tinjirifo asahamindih aboedi hoafi  
 hoafiya arihandi ranimbo-hunda, nga  
 ranahambo ro moai amoaninngiyahi. Sapo ro  
 Nindou anihondumbo-arihin ahambo fifirihini.  
 Asu ro fifirihendi ai wambo rani ratupuri  
 masendi ra hibada ngumbo Sisasindi adukari si  
 ra tukundifemboe.

13 Ro yamundi-marihendi himborimayafi ra  
 aboedi sisami nahurai-ane asu se mamihahurai  
 nindoumbo yamundowanduri ndandi.  
 Ranimboane se Sisas Kraimbo  
 anihondumbo-ndiworuhin ngusüfo pandoworuhin  
 asu rani-hoafi yamundo ndandi.

14 God ai aboedi hoafi sihafi warihumareandi  
 ra aboedi moatukun-ane, nga se wudipoapondo  
 hibadandi. Yifiafi Aboedi sihefi flambe amaro  
 ranai fandiheninimboe rani ratupuri ra  
 hifandimbohunda.

15 Se fifirowandi munguambo nindou Esia  
 hifihundi ai wambo hininngi-marihindiri. Asu

Figerus weimbo Hemogenes amboani  
hiniŋgi-marineandiri.

<sup>16</sup> Ro didibafeheandi Adükari ai Onesiforus  
ahandi aborüdi babidimbo  
hipoambo-mbireandür-amboane. Ai wambo  
karabusambe-ani yahu amoaniŋgiakoate süni  
hoeireandiri randani ŋgusüfo aboedi kürihe  
mamarhi.

<sup>17</sup> Ai süfumbo Romohü wambo tiriifoyuhü  
kokorandirimbo asu süŋguna hoeimareandiri.

<sup>18</sup> Ro didibafeheandi Adükari ai Godindi  
yibobofe si tüküfe simboani  
hipoambo-mbirir-amboane. Se fifirowandi  
Onesiforus ai ro Efesusihü karabusyahe  
nimarhambe wambo fehefe-ndirimbohünda  
afindi ratüpurü ratüpurüyu marandi.

## 2

*Timoti ai Kraisindi ratüpurü wudipoaponde  
ratüpurümbiyu-wamboane*

<sup>1</sup> Asu wandi nimori Timoti, muŋguambo si  
Sisasindi-mayo aboedi hohoanimo ranai  
sihambo ŋginimbi-ramindinin-amboane.

<sup>2</sup> Asu yamundi fe hoafi ro nindou afindi-yei  
himboahü wataporimbo-marhandi ra se  
himborimayafi. Rani hoafi ra nindou Godindi  
hoafi anihondumbo kikihi-ründimondeimbi  
ahamundi warihündowapuri. Rananimbo asu ai  
asükai nindou bidifirambo  
yamundi-mbirundür-amboane.

<sup>3</sup> Se Sisas Krisindi ami aboedi  
nahuraimbondafo nimbafi. Rananimbo se  
ro-dibo tirifo ra ndahoaminde-mboane.

4 Se ami-yomondi ratüpurî fifirowandi, sapa ai amimboyafu ratüpurayomo ra ngîrî ngorü ratüpurî ndowandümo, nga wanî. Aiana moanî ami ratüpurî ranî yangîrî ratüpurî-ndîmondanî ahamundi bogorî ai ahamundi ratüpurî ranahambo aboed-ane mbeyahua mbîsîmo hou ranî yangîrî ratüpurî-ndîmboemo.

5 Asu nindou ai napo semîndîmbo pipî ranambe pipayu ana, pipî ranahandî ahînî ra süngundeandî. Ai ra süngufekoate-ayu ana, ai pipîmayu ranahambo napo semîndîmboayu amboanî ngîrî ndemündu.

6 Nindou nûmbûrambe manğîrî hîfîreandühî tîğîrîfoayu ai-boatei bîdîfîrî sesî ra yimunguri-mbîramündu-wamboane.

7 Hoafî nda ro hoafîmayahîmbo se hohoanîmondafî, nga Adükarî ai sîhafî hohoanîmoambe horîndea-nînimbui. Asu rananîmbo se hoafî ranahandî nîmîndî ra wudîpoapondo fîfîrîndo-wamboayafî.

8 Se hohoanîmondafî fîfîrîndowandî Sisas Kraîs yîfîhündî botîmefiyu ranana Defit, Israerî-yafe adükarî bogorîndî sîrambeahînd-ani. Ranîmboane aboedî hoafî ro wataporîmbo-arîhandî ranahambo hoafayahî.

9 Ro aboedî hoafî hoafîya marîhandî ranîmboyo nindou ai wambo moaruwai nindou-ani yahomo houmbo mamîkarambo tîğîrîfo saundîrî mburûmbo karabusî-marundîrî. Nga Godîndî hoafî ranana ngîrî karabusîndîfeyo.

10 Ranîmbo-hündamboane ro hohoanîmo ngînîndî kürîheandühî munğambo tîğîrîfo ra

asahamɨndɨhɨ nindou God ai wand-aneɨ  
yahundüreimbɨ ranaheimbo  
fehefe-ndürɨmbohünda. Ranɨmboanahɨ  
ai-amboanɨ Sisas Kraɨs ai aheimbo  
aboedambo-ndeandüra ai-dɨbo  
koadürümbo-koadürümbo  
hɨmboamupuimbo-randeimbɨ kapeihü  
mbɨnɨmboeia sahehea hohoanɨmoayahɨ.

<sup>11</sup> Sɨhɨrɨ hoafɨ nda  
anɨhondümbo-ndɨhumboane:  
Sɨhɨrɨ ai-dɨbo yɨfayefɨ ana,  
asükai sɨhɨrɨ ai-dɨbo yangɨrɨ  
nɨmboemboyefɨ.

<sup>12</sup> Sɨhɨrɨ ai-dɨbo tɨɨrɨfo asahumɨndefɨ ana,  
asu sɨhɨrɨ ai-babɨdɨmbo bogorɨmbondahu  
hɨbadɨhumboyefɨ.

Nga asu sɨhɨrɨ ahambo daboadaɨ hɨhɨrarɨhuri  
ana,  
ai sɨhefɨmbo daboadaɨ  
hɨhɨrɨndɨ-ndeamunümbui.

<sup>13</sup> Sɨhɨrɨ ahambo süngufimbo hoafɨyefɨ  
mburɨhumbo  
asu süngufekoate-ayefɨ anasɨ,  
asu aiana ahandɨ hoafɨmayu ra  
süngundeambui.

Aiana ɨgɨrɨ ahandɨ hohoanɨmo ra  
ɨgorü-süngundeandɨ, ɨga wanɨ.

*Timoti ai Godɨndɨ ratüpurɨyombo  
tɨɨrɨfombiyu-wamboane*

<sup>14</sup> Se nɨmorehɨ nindowenihɨ ranaheimbo ranɨ  
hoafɨ ranahambo hoafɨndafɨndürɨ nda ɨgafɨ.  
Asu Godɨndɨ hɨmboahü se aheimbo ahɨnɨ  
hoafɨndafɨndürɨ ai ɨgɨrɨ hɨfɨnɨndɨ moatükunɨ  
ranahambo hoafɨnambo sɨmborɨ-sɨmborɨndei.

Rani-moatükunî ranana nindoumbo famandîheiri-poanî, nga nindou hîmborayeri ranaheimbo moaruwaimbo-ndearümboe.

<sup>15</sup> Se Godîndî ratüpurîyo-randeimbî nindoumbofe tüküfembo tîngîrîfondafi, rananîmbo God ai sîhafi ratüpurî ra aboed-ane yahombohünda. Rananîmbo se Godîndî ratüpurîyafi-randeimbî amoanîngîkoate-ndafühi ahandî hoafi wudîpoapondo yamundo-wandürîmboyafi.

<sup>16</sup> Se Godîndî hohoanîmo süngufekoate hoafi rani-fikîmî ngamboyafi, nga yowanî. Sapo hoafi moaruwai ranai ana nindoumbo Godîndî süngufe angunî ndemîndîndürî ngomboe.

<sup>17</sup> Sapo hoafi ranana masîmei moaruwai hamîndî adükari tükéfeyo nahurai-ane, nga rananîmbo nindoumbo moaruwaimbo-ndeamboe. Sapo Himeneus weimbo Firetus rawefîne marînandî nou.

<sup>18</sup> Nindou rahurai aiana hoafi hondü ra hîniîngîrîneambo anafandî, sapo ai hoafiyafandühi safaniya, 'Sîhîrî ana yîfîhündî botîmayahundane, ranîmbo wambo asu ngîrî sünguna yîfîhündî botîndahundî,' safanî arînandî. Ranane hoafi ranai bodîmondî-yafe Godîmbo anîhondümböfe hohoanîmo ra moaruwaimbo-reandürî arandî.

<sup>19</sup> God ai Kraisîndî nendî ngînemîndîmbo-hünda Krais kambohoanî nahurai mafondirî. Kambohoanî ranîfîhî sürü nda apenîngo: 'Adükari ai ahandî nendambo ndore fîfîrea-ndürîmboani.' Asu ngorü sürü amboanî nda 'Muñguambo nindou ai seiya, "Ro Adükariînd-aneî," aseî ranai ana moaruwai

hohoanimo ranahambo daboadi  
hihiri-mbirihind-amboane.’

<sup>20</sup> Adükari worambe gor asu sirfa raninambo  
hipiri nafirühi masihendi. Gor sirfa  
raninambo yangiri-yopoani, nga nimi asu hifi  
raninambo amboani nafimarhündi.  
Rani-moatükuni ra bidifiri ranipoanambo  
ratüpurimboyo asu bidifiri mamikarambo  
moatükuni ratüpurimboyo.

<sup>21</sup> Ranimboane nindou düdi ai rani  
mamikarambo hohoanimo ra hinngireandühi  
Godindi himboahü aboedayu ana, ai  
rani-poanimbo ratüpurimbo hipiri nahurai  
nüngumbui. Ai Adükarindi yangiri nünguhü asu  
ahambo fandheirüh aboedi ratüpurimbo  
yangiri nafiramindi ningo marand-ane.

<sup>22</sup> Nga ranimboane se nindou  
hoarifambori-yafe moaruwai hohoanimo  
ranahambo feboawandi. Nga se mbumundi  
hohoanimo, Godimbo anihondümbofe  
hohoanimo, ngusüfo pefe hohoanimo, ngusüfo  
afurife kife hohoanimo, rani  
hohoanimo-animbo ndowandifi. Nindou  
didiyei Godindi himboahü sürühehi-ndeimbiyei  
asu Adükarindi ndürinambo didibafiyahi  
arihündi ai se-babidimbo rani hohoanimo  
süngundihindi.

<sup>23</sup> Asu se nindou ngusüfo hohoanimokoate  
hoafi ngorü-süngu ngorü-süngu-rihündeimbi  
ranahei fikimi ngamboyafi, nga yowani. Nga se  
fifrowandi hoafi yahurai ranana hoafinambo  
simbori-simbore tükufe randühane.

<sup>24</sup> Asu Adükarindi ratüpuriyu-randeimbi ana  
ngiri hoafinambo simbori-simborendu, nga

wani. Nga ai nindou munnguambo afure  
 hohoanimo yuhü ndore yamunde-randeimbiyu  
 haya himboari-yanğiri  
 hifandi-randeimbimbiyu-wamboane.

<sup>25</sup> Adükariñdi ratüpuriyu-randeimbi ai  
 himboari hoafendinduhü, nindou mamı  
 hohoanimo süngufekoate-yeimbi ranaheimbo  
 yamundeandüri. Rananımo God ai ahei  
 ngusüfoambe hihirareandüri ana, anıhondü  
 yamundife hoafi ra himbori-ndeimboyei.

<sup>26</sup> Nindou yahurai ranana Satan ai aheimbo  
 ahandi andürambe masemündündüri ahandi  
 hoafi süngufembohünda. Nga ai hoafi hondü ra  
 fıfırarıhındi ana, Satanıñdi andüri ra  
 hınıngırıhi moanambühi aboedambo  
 tükündahimboyei.

### 3

*Bıdıfıranambo si tüküfeyoambe ana nindou ai  
 moaruwai hohoanimo-ndeimboyei*

<sup>1</sup> Se fıfırarıhındi bıdıfıranambo si akımı  
 tüküfembo-yoambe ana tıñırıfo afıñdi  
 tükündifemboe.

<sup>2</sup> Nımböe sapo nindou ai ahei fimbo yanğiri  
 hohoanımondeihı, kakımbö yanğiri hohoanımo  
 pandıhimboyei. Ai ahei fimbo yanğiri  
 borındeihı asu ngörü nindoumbo  
 hohoanımo-koatendeihı nindou bodımondambo  
 tırıfoefe hoafındeihı, ngırı ahei boagırı-yei  
 hoafi himborındeı ndühündı. Ngırı nindou  
 ranaheimbo hıhıfıñdıhündüri asu ai Godıñdi  
 hohoanımo süngufekoate-ndeimboyei.

<sup>3</sup> Ai ng̃r̃r̃ nindou bod̃mondambo hohoañmondei asu ng̃r̃r̃ nindoumbo amboawiyeyi mb̃isei. Nga ai daboadañ nindou ng̃or̃umbo amoñgoñ hoaf̃indeimboyeyi, asu ng̃r̃r̃ ahei fi wud̃poapond̃hi h̃bad̃h̃ünd̃, nga ai h̃poambofe-koatendeih̃ ñine aboedayo ra moaruwaimbo-nd̃himboyeyi.

<sup>4</sup> Asu ai ahei ng̃unindambo amboañ hohoañmo-koatendeih̃ moaruwai moatükuñ rand̃himboyeyi. Ai hohoañmoyo hoeifekoate ratüpur̃i-ndeimboyeyi. Ai hohoañmo-ndeih̃ya, roana bogor̃ nindou-aneñ̃ mb̃isei hehi God̃imbo hohoañmokoate h̃fi ndañh̃ündambo h̃h̃ifi-h̃h̃ifi hohoañmo yang̃r̃r̃ hohoañmo-ndeimboyeyi.

<sup>5</sup> Ai God̃ind̃ hoaf̃ ra fi yang̃r̃r̃ süngund̃-himboyeyi, nga ahand̃ ng̃ñind̃ adük̃ar̃ engoro ra ng̃r̃r̃ f̃if̃r̃ind̃hind̃. Se nindou yahurai ranahei fik̃im̃ ho-poañ, nga yowañ.

<sup>6</sup> Nindou yahurai aiana ñmoreh̃ h̃h̃ind̃ hohoañmoyeimb̃ moaruwai hohoañmoyeyi ar̃h̃ünd̃ ranahei wor̃nambo ho ahei hohoañmo ng̃or̃ü-süngufe h̃fand̃imbo rañimboane naf̃ kokoarund̃. Moaruwai hohoañmo ai ahei ng̃usüfambe bot̃reand̃ura rañ hohoañmo ra refembo hohoañmoyeyi ar̃h̃ünd̃.

<sup>7</sup> Asu ñmoreh̃ ranai s̃imbor̃ yamund̃ife sahümünd̃ ar̃h̃ünd̃, nga ai ng̃r̃r̃ God̃ind̃ añhond̃ü hohoañmo ra f̃if̃r̃ind̃hind̃.

<sup>8</sup> Horombo Sanes weimbo Sambres ai Moses̃ind̃ hoaf̃ daboand̃ h̃h̃ir̃ma-r̃ineand̃ rañ-süngumboane hapondañ amboañ

anihondü hoafi ranahambo daboadi hihirarundi. Ranane ahamundi hohoanimo ranai mamikari-yomondühi asu ahamundi Godimbo hohoanimo ra moanane.

<sup>9</sup> Nga ahei rani hohoanimo ra ngiri adükari tükündifeyo, nga wani. Munguambo nindou ai hoeindihindani ahamundi hohoanimo ai mamikari-ndapurimboe sapo horombo Sanes weimbo Sambres ramefineandi nou.

*Timoti ai Godindi hoafi nginindi kikhimbi-ramüdu-wamboane*

<sup>10</sup> Nga seana wandi yamundife, hahabodi marihandi asu wandi hoahoango ranahandi nimindi ra fifirowandühi süngumarowandi. Ro Godimbo anihondumbo-rihinühi ngorü nindumbo afurthe hohoanimo-yahandüri asu nindumbo ngusüfo parheandürühi tñirifo tüküfeyowan moanane sa nginindi nimboa marihandi ra se fifirowandi.

<sup>11</sup> Sapo ro Andiok, Aikoniam asu Ristra ngoafihü nindou ai wambo moaruwaimbo-rhindürühi asübusi masehündi ra se fifirowandi. Ro rani ngoafihü tñirifo masahamindihiyosi, nga Adükari ai famarihendira aboedambo animboahi.

<sup>12</sup> Anihond-ane, munguambo nindou Sisas Kraisi dibo nimboadeimbo Godindi hohoanimo sünguarhindi ana, nindou ai aheimbo moaruwaimbo-ndhindürimboyei.

<sup>13</sup> Nga nindou moaruwai Godindi hoafi fi yangiri süngurundeimbi ahamundi hohoanimo ranai ngo-ngombo moaruwai hamindindimboe. Ai nindou bidifiriyei hohoanimo

mamikari-rundürüh-anemo, nga asu ahamundi hohoanimo amboani mamikararapuri.

<sup>14</sup> Ro sihambo hoafehanini, se hoafi himboriyafi mbura anihondumbo-arowandi rani yangiri süngundo ngafi. Hoafi ra anihond-ane, sapo nindou düdi sihambo yamundi-marihinini ranaheimbo wudipoaporo fifirowandi.

<sup>15</sup> Asu se fifirowandi sapo se nimori akidouyafambe hafimbo sihambo hohoanimo aboedi saimbo Godindi hohoanimo paiaroweimbi buk rani-boatei fifiri-marowandi. Buk rananimbo hohoanimo aboedi daganinani Sisas Kraisimbo anihondumbo-ndi worani asu God ai sihambo aboedambo-ndeaninimbui.

<sup>16</sup> God ahandi bukambe hoafi ra weindah-mareandi. Asu yamundifembo, moaruwai hohoanimo nafuimbo, hohoanimo didiboado-fembo asu mbumundi hohoanimo süngufembo yamundife-mbohündambo hoafi ra aboed-ane.

<sup>17</sup> Rananimbo nindou didiyei Godindi hohoanimo sünguarihindi ranai aboedi ratüpuri ratüpuri-mbohünda ndorhi fifiri-himboanei.

## 4

### *Timoti ai Godindi hoafi hoafimbo nginindi mbününgu-wamboane*

<sup>1</sup> Sisas Kraisi ai weindahi kuduani asu ahandi nginindi hifandarandi ra tükündifeyoani ai yangiri ni-boadeimbi asu yifiyeimbi ra yibobondearümbui. Ahandi asu Godindi himboahü ndanahambo sihambo ahini hoafehanini.

<sup>2</sup> Se aboedi hoafi ra bokar:hefembo nginindi nimbafi. Nindou ai himbor:ndeianiyu asu wan:indoan:yo ra se bokand:hao ndand:. Nindou ai ahei hohoan:mo moaruwai hoeifembohünda hoaf:ndaf:ndür:. Ai moaruwai hohoan:mo-ndeian: se nginindi hoaf:ndaf:ndür:. Ahei ngusüfoambe kiki:mo-boadowandür:. Hin:ngirou hoaf:ndaf:ndürühi wud:poapondo yamundowandür:.

<sup>3</sup> Himbor:yafi, süngunambo ana nindou ai hoafi hondü ranahambo himbor:koate-ndeimboyei. Rananimbo ai nindou af:ndi aheimbo yamundife-ndür:imbo kokond:hü-pur:imboyei nin: hoafiyo ai himbor:imbo hohoan:moyeimb: ra yamundife-nd:rümböhünda.

<sup>4</sup> Rananimbo hoafi hondü ra hin:ngin:ndihi hehi moan: hoafi yang:r: ra süngund:himboyei.

<sup>5</sup> Nga se munquambo si wud:poapondo hohoan:mondafi se t:ng:r:ifo ndowand:fi asu nindoumbo aboedi hoafi ra watapor:imbo-ndandür:. Asu God:indi ratüpur: ra se an:hondümbo ham:ndi ratüpur:ndafi.

### *Por yifimbo akim-ani*

<sup>6</sup> Wand: yang:r: nin:go ra God:imbo sesi saimbo nahurai-ane, nga ndeara wand: yifimbo ra akim-ane.

<sup>7</sup> Ro aboedi ham:ndi yifiariya, yang:r: nin:go sem:ndimbo ra pipimayah: ranane ro pipi moendifemboyo-wam: tüküyaheandühi wand: God:imbo an:hondümbofe ra kiki:hari-ham:ndihi.

<sup>8</sup> Hapoana napo p̄ipambe horombofe hefe sem̄indimbo ranai yangori hifandarandi. Napo ranana ndahurai-ane. Adükari ai wambo mbumundi nindou mbüsümbui. Adükari ai mbumundi hohoanimo süngu nindou ȳibobore arandi sapo ahandi adükari ȳibobofe si ra tükündifeyoan̄ napo ra wambo ndend̄ir̄imbui. Ai wambo yanḡir̄iyopoani asend̄iri, nga nindou mun̄guambo did̄iyei ahambo weindah̄i tükünd̄ifiyuan̄ hoeifimbo himboyeih̄i amarei ranaheimbo amboa.

*Timoti ai n̄imehünou Por̄imbo sowana mbüsünü-wamboane*

<sup>9</sup> Se wambo sowana n̄imehünou s̄in̄imbo t̄iñ̄ir̄ifondafi.

<sup>10</sup> Demas ai hif̄ihünd̄i hohoanimo süngufembo af̄indi hohoan̄imoyuhü wambo h̄in̄iñ̄ḡireand̄iri haya Tesaronaika ngoaf̄inambo mahu. Kresens ai Garasia hif̄ina mahu asu Taitus ai Darmesia hif̄inambo mahu.

<sup>11</sup> Asu Ruk mam̄i yanḡir̄-ani ro-d̄ibo anüngu, ran̄imbo-an̄imbo düḡüf̄ihü Mak ndowar̄ind̄ifi düḡüf̄i. Ranan̄imbo ai wand̄i ratüpur̄i ra far̄ihend̄iri haya ratüpur̄imbiyu-wamboane.

<sup>12</sup> Nga Titikus̄imbo ana Efesus̄inambo koamar̄ihena mahu.

<sup>13</sup> Asu se asühüf̄i ana, wand̄i nḡis̄ihar̄i hoear̄i war̄i hoandar̄i Troas ngoaf̄ihü Karpus̄ind̄i worambe mas̄iheheand̄i ra ndowand̄ifi düḡüf̄i, asu buk amboani kapeih̄i. Sapo buk n̄in̄ihond̄i hoear̄inambo naf̄iyoweimbi-mayo ra.

<sup>14</sup> Areksander napo bras kapanambo naf̄ira-randeimbi ai wambo af̄indi moaruwaimbo-mareand̄iri. Ran̄imbo-hünda

süngunambo Adükari ai simbori ahambo moaruwaimbo-mb+rir-amboane.

<sup>15</sup> Nga se-amboani nindou ranahambo-animbo h+badambo. Nga ai-ani y+hoefi hoafi hif+nambore arandi.

<sup>16</sup> Weanğurühi ro kotambe simbori hoafimayah ra moai nindou didai-amboani far+hendiri, nga munğambo nindou ai hininğı-mar+hindiri. Nga God ai aheimbo amboawiyeyi mbeyahuamboane.

<sup>17</sup> Asu Adükari ai ro-dibombo nungumbo nginindi masendira ro aboedi hoafi ra Suda-yafe ndifo ranaheimbo didiboadond+he wataporimbo-nd+hamboyahi. Raniyo God ai wambo n+mambeahindi nin+hondi raion yahamonindi hümar+hendiri.\*

<sup>18</sup> Mami rani-sungumboane Adükari ai wambo nindou moaruwaimbo-fembo hohoanimoayeyi ranambeahindi aboedambo-ndeandirimbui. Rananimbo ai sunambe nginindi hifandarandi ranambe aboedambo ndemündündiri gafumbui. Koadürümbo-koadürümbo ahambo aboed-ani mb+sefimboane.

<sup>19</sup> Asu se wandi hihifi hoafi Prisira weimbo Akwirambo asu Onesiforusindi worambeahindi aheimbo hoafindafi.

<sup>20</sup> Erastus ai Korin ngoafihü awi mbanünğu. Trofimus ai anğün+mbomayua Muretus ngoafihü hininğımar+hini.

---

\* **4:17:** Nda kafoefe hoaf-ane. Raion ai nindou bidifiri mbura arandi. Kafoefe hoafi nimindi ra Porimbo tinrifo tüküme Feyowa yifimbo yang+r+mayu, nga God ai ahambo mafar+heira aboedambomefiyu.

<sup>21</sup> Asu se wambo sowanambo sifombo  
tiŋriɓondafi ŋgisihari tüküfekoate-yoambe.  
Yuburus, Pudens, Rinus, Krodia asu muŋguambo  
anihondümborihindeimbi ai sihambo hihihi  
hoafi koararihehinini.

<sup>22</sup> Adükari ai se-dibo mbinüŋgu-wamboane.  
Nga asu ahandi moani hiipoambofe ai se-dibo  
mbeyangoro-wamboane.

**Godꞏndꞏ Hoafi**  
**The New Testament in the Angor language of Papua**  
**New Guinea**  
**Nupela Testamen long tokples Angor long Niugini**

Copyright © 2001 The Bible Society of Papua New Guinea

Language: Angor

Contributor: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-01-07

---

PDF generated using Haiola and XeLaTeX on 11 Mar 2026 from source files dated 12 Dec 2025  
c500d379-d0cf-5c22-9613-91d7bcc63af3